

Hafizun Mevo - 9/5/2016

EKSPEDISI SAINTIFIK 4 HARI

Seramai 90 warga Universiti Sultan Zainal Abidin (UniSZA), Kuala Terengganu, terdiri daripada penyelidik dan siswa menyertai Ekspedisi Saintifik Pacuan Empat Roda Siri II (ESPER II) di Lata Berangin, Hulu Keruak, Besut, Terengganu selama empat hari. Baru-baru ini Program tahunan anjuran Institut Penyelidikan Alam Sekitar Pantai Timur (ESERI) UniSZA itu bertujuan memastikan kelestarian alam sekitar selain menjadi peneraju dalam penyelidikan sains forensik berkaitan alam sekitar di Malaysia.

>7



KUKUH PENGETAHUAN SAINTIFIK

Pemindahan ilmu, kesedaran alam sekitar kepada peserta dan penduduk

RENCANA

DARI MIKA I

Pengarah ESERI Prof Madya Dr Hafizan Juahir berkata, ESERI II diharap dapat melaksanakan pemindahan ilmu dalam pengawalan, penjagaan dan kesedaran alam sekitar kepada peserta dan penduduk setempat melalui pengumpulan data penyelidikan sepanjang program ini.

"Ekspedisi ini bertujuan mengukuhkan pengetahuan saintifik terhadap kawasan sekitar Lata Berangin, Hulu Keruak yang sebelum ini kurang dikaji.

"Peserta mempelajari cara menjalankan penyelidikan secara terperinci, selain mendapat kerjasama penyelidikan dan pertukaran idea serta

pendapat dalam kalangan penyelidik daripada universiti dan agensi kerajaan terbabit," katanya.

Beliau berkata, masyarakat setempat juga mendapat manfaat melalui program pemindahan ilmu kesedaran alam sekitar.

"Kita juga akan terbitkan sebuah Coffee Table Book berkenaan flora, fauna dan kajian status alam sekitar di Lata Berangin.

"Bagi memastikan penyelidikan ini memperoleh hasil terbaik, kami membawa semua peralatan penyelidikan untuk mengumpul data dan dijadikan rujukan kerana kawasan itu di bawah penadbiran Jabatan Perhutanan Terengganu," katanya.

Menurut Dr Hafizan, lokasi itu dipilih kerana kewujudan hutan simpan yang

sesuai untuk penyelidikan kerana belum diterokai serta dikelilingi pokok herba yang mempunyai pelbagai khasiat.

sungai yang bersih dan kaya dengan kepelbagaian flora dan fauna - Mohd Safwan Amir Mohd Saidi

PESERTA bergambar kenangan selepas program berakhir.

